

უილიამ შექსპირისადმი მიძღვნილი ლიტერატურული საღამო



26 ნოემბერს თბილისის სასულიერო აკადემიისა და სემინარიაში ქრისტიანული ხელოვნებათმცოდნეობის კათედრისა და დეკანატის თანადგომით ჩატარდა უილიამ შექსპირისადმი მიძღვნილი ლიტერატურული საღამო. ღონისძიებაში მონაწილეობდნენ ქრისტიანული ხელოვნებათმცოდნეობის ფაკულტეტის მე-4 კურსის სტუდენტები. საღამოს ორგანიზატორი იყო ფილოლოგიის მეცნიერებათა დოქტორი თამარ ნუცუბიძე. ქალბატონმა თამარმა ისაუბრა უილიამ შექსპირის შემოქმედებისადმი სტუდენტების განსაკუთრებული ინტერესის შესახებ. ხელოვნებათმცოდნეობის ფაკულტეტის სტუდენტებმა წაიკითხეს ნაწყვეტები შექსპირის ტრაგედიებიდან, ასევე სონეტები ქართულ და ინგლისურ ენებზე. აუდიტორიამ იხილა ვიდეო-ჩანაწერები სპექტაკლებიდან „მეფე ლირი“ და „ოთელი“ ვახტანგ ჭაბუკიანის შესრულებით. ასევე გაიჟღერა უშანგი ჩხეიძის ცნობილმა მონოლოგმა „ჰამლეტიდან“. ღონისძიებაზე სიტყვით გამოვიდა სასწავლებლის პედაგოგი, დეკანოზი ვლადიმერი (ვახტანგაძე), რომელმაც ყურადღება გაამახვილა შექსპირის პიესების მიხედვით დადგმულ ქართულ სპექტაკლებზე. ასევე, მან დამსწრე საზოგადოებას შექსპირის პიესებიდან ამონარიდები წაუკითხა. ღონისძიების ბოლოს მონაწილეებსა და დამსწრე საზოგადოებას დასკვნითი

სიტყვით მიმართა სასწავლებლის მოძღვარმა, დეკანოზმა შალვამ (კეკელია), რომელმაც აღნიშნა, რომ სასულიერო სემინარიასა და აკადემიაში საღვთისმეტყველო საგნების შესწავლასთან ერთად მნიშვნელოვანია მსოფლიო ლიტერატურის შედეგების გაცნობა, რაც სტუდენტის ზოგად განათლებას ამდიდრებს და ლიტერატურულ გემოვნებას ხვეწს. დამსწრე საზოგადოებამ მაღალი შეფასება მისცა სტუდენტთა მიერ ჩატარებულ ღონისძიებას.



